

Jan und Griet

Text: Carl Cramer (Orthographie angepasst)¹
Melodie: Johann Franz Weber
19. Jh.

- 1 Zo Köln, em aale Kämpcheshoff wonnt ens ne Boerschmann,
dä hatt en Mäd, die nannt sich Griet, ne Knääch, dä nannt sich Jan,
dä hatt en Mäd, die nannt sich Griet, ne Knääch, dä nannt sich Jan.
- 2 Dat Griet, dat wor en fresche Mäd, grad wie vun Milch un Blod;
dä Jan, dat wor ne starke Poosch, däm Griet vun Hätze god,
dä Jan, dat wor ne starke Poosch, däm Griet vun Hätze god,
- 3 Ens säht hä: „Sag“, esu säht hä: „Sag Griet, ben ich der rääch?
Nemm mich zom Mann, do bes en Mäd un ich , ich ben ne Knääch;
nemm mich zom Mann, do bes en Mäd un ich , ich ben ne Knääch.“
- 4 Do säht it: „Jan, do bes ne Knääch un ich en schöne Mäd;
ich well nen däft'gen Halven han, met Öhß un Köh un Päd;
ich well nen däft'gen Halven han, met Öhß un Köh un Päd.“
- 5 Un als dä Jan dä Kall gehoot, do trok hä en der Kreeg;
schlog immer düchtig en dä Feind, holf wenne mänche Seeg,
schlog immer düchtig en dä Feind, holf wenne mänche Seeg.
- 6 Wie widder hä noh Kölle kom, soß hä op staatsem Päd;
dä Jan, dä wor no Feldmarschall, dä große Jan vun Wääth;
dä Jan, dä wor no Feldmarschall, dä große Jan vun Wääth.
- 7 Un wie hä an de Pooz no kom soß en der Pooz dat Griet;
it soß vör einem Appelkrom, wo it Kuschteien briet;
it soß vör einem Appelkrom, wo it Kuschteien briet.
- 8 Un als dä Jan dat Griet dät sinn, leet stell si Päd hä stonn,
un größten it in un säht för it: „Griet, wä et hätt gedon!“
Un jrößten it in un säht för it: „Griet, wä et hätt gedon!“
- 9 Un als dat Griet dä Jan dät sinn, su blänkig usgeröss,
do größt it in un säht för in: „Jan, wä et hätt gewoss!“
Do größt it in un sät för in: „Jan, wä et hätt gewoss!“
- 10 Ehr Mädcher all, no merkt üch dat, un sid mer nit zo fried;
gar mäncher hät et leid gedon, dat Leed vum Jan un Griet,
gar mäncher hätt et leid jedonn, dat Leed vum Jan un Griet!

Vgl.: Wienand Verlag (Hrsg.) 1988. *Wienands Kölner Liederbücher*. Die schönsten Kölner Lieder von Willy Ostermann bis zu den Bläck Fööss. Köln: Wienand Verlag Köln. 77-78.

¹ nach den Richtlinien der Rechtschreibung der Akademie für uns kölsche Sproch 2007